

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·第七十九號

據  
民國十二年  
黃履思纂  
鉛印本  
影印

福建省

# 平潭縣志

(全)

SK119/02

成文出版社印行

(SK119/02)



中華民國五十六年十二月壹一版

# 平潭縣志

全一册

定價：新台幣二四〇元正

發行人：**黃成助**

出版者：**成文出版社**

臺北郵政信箱二二六〇五號  
電話：九二二〇一〇五號

印刷者：**正大印製廠**  
三重市長生街二號之一

版權所有

內政部登記證內版臺業字第一一四七號

# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。顧自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年墨兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖軌，職是之由。」這樣看來，我國累存的史料確是不少，可惜史學研究上還待重行檢討哩！

docsriver 文川网  
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、著志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綏珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷坑，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。四歷史研究者須有哲學的氣質，參用科學的方法，獲取藝術的成果。(四)對史實的特殊相若不加解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。爲了適應時代需要，樹立清晰而有系統的概念，我們把選印本方志叢書的範疇，暫定爲鄉、縣、府、郡、行政區的地方史，及各種叙一物一事的專志等（如瀟水志、廬山志）。

明清以來，方志成爲地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。

(7) 元李好文長安志圖：詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往日的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、獠的風俗，方志記載也很可靠。

(15) 歷任地方官的姓名、科學名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的謾評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依前所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

平潭縣志



平潭縣志序

官以知事名於一邑之事宜無所不知也不知而營行是謂曠

官辛酉孟春履思奉

命來知平潭縣事循省汶庸曠瘼是懼下車之始延見士紳首詢邑志咸致慨於老成凋謝文獻無徵近雖創設專局聘員采訪款絀不能有爲以故中輟甚望予起而圖之竊維志者一邑之史也五難三長昔人論之詳矣平潭設治未久事屬始創難之中有其尤難者焉予才復無一長肩茲鉅任其何能勝然而一邑之事則固予心所亟欲知者總纂一職並經呈准由知事兼充重以邦人君子屬望之殷又將何以逃其責耶用是排百難家

平潭縣志序

緩急決以調查爲先務分途並進寧詳毋闕所需經費悉爲籌給未數月采訪錄咸集入冬分纂二君遂得類次以獻今春海產滋豐農亦有秋閭閻安業案牘甚簡獲以其隙殫精竭慮博搜廣稽手不停揮常至夜盡勤勤七閱月幸而蕙事尙鄙蕪雜詎敢自諱特念後之君子欲知斯邑建置沿革之詳版籍田賦之數坊廬樹藝農功之興廢食貨之盈絀習尚之淳漓政典之修否以及山川形勢之區人文之迹從而講求治道康濟斯民於此或不無萬一之助耳

中華民國十一年壬戌孟秋知平潭縣事南城黃履思序

平潭縣志發刊辭

福惠全書殷殷以談方志爲先務余甚聽之癸亥春奉令蒞茲土接見士紳知黃前任縣志稿存商會於地方人物及一應興革事宜言之甚詳惜未印行不免功虧一篑爰爲籌款以充印費藉補黃前任未竟之功云

民國十二年歲在癸亥知平潭縣事閩侯葉于飛識

修志姓氏

總纂

平潭縣知事南城黃履思

分纂

生員平潭林春淵  
生員平潭吳寶琪

參訂

例貢平潭陳獻琛

採訪

侯均區采訪員陳頌祺

平潭縣志 修志姓名

一

侯均區采訪員盧鳳藻

侯均區采訪員唐鑑廷

侯均區采訪員林友蘭

大墩區采訪員施祖培

大墩區采訪員施祖貽

坑北區采訪員王步雲

坑北區采訪員周宗濂

坑北區采訪員程銘鼎

模秀區采訪員游騰驥

模秀區采訪員吳憲章

模秀區

酒店區采訪員林維新

酒店區采訪員高廷藩

斗門區采訪員林玉麟

斗門區采訪員吳拱宸

斗門區采訪員林學初

莊上區采訪員吳壽鶴

莊上區采訪員林樹聲

莊上區采訪員王翔

鰲網區采訪員陳維實

鰲網區采訪員丁夢粟

南澳區采訪員林耀曾

南澳區采訪員任步曾

南尾區采訪員林鶴年

北海區采訪員任葆琦

高平區采訪員林慶年

高平區采訪員翁鏘鳴

高平區采訪員林維藩

嶼頭區采訪員林宜文

塘嶼區采訪員林玉璋

大扁島區采訪員林玉樹

平潭縣志 修志姓名

二

測繪

陸軍測量局地形課審查員閩侯黃仰瓊

校勘

平潭縣署科長紹興 王揚祖

平潭縣管獄員長沙 劉世霖

平潭警備隊長閩侯 梁浚三

凡例

一平潭舊隸福清嘉慶初改設廳治屬福州府查乾隆丁卯福清縣志及乾隆甲戌福州府志所載平潭事蹟均極簡畧福清縣志大抵本諸明郭萬程氏海壇記其書僅一卷徵求未獲惟光緒間邑人施天章氏擬纂星野地輿名勝土產學校兵制職官選舉人物各志惜未成書又同知宋廷模氏有鄉土志畧之編意在開悟童蒙未求詳盡茲之編輯討源史籍博訪舊聞參以府縣二志暨存檔公牘期無遺誤以昭一方之文獻其緯候志名勝志物產志列傳各編有採用施氏原稿者並為注明不敢掠美

平潭縣志 凡例

一縣志之善者世推明康海氏武功志清武億氏偃師志章學誠氏和州志亳州志永清縣志李世熊氏寧化縣志高耐然氏光澤縣志周凱氏廈門志及同治間江南所修上元江甯兩縣志體例互殊簡繁各異

福建修志總局參酌以上各書獻可替否定為沿革表緯候志大事志山川志水利志城市志建築志名勝志戶口志賦稅志物產志度支志職官志學校志選舉志武備志實業志交通志刑法志外交志禮俗志惠政志祠祀志藝文志金石志列傳儒林傳文苑傳獨行傳孝友傳方技傳忠義傳循吏傳列女傳流寓傳方外傳雜錄共三十七篇不漏不蕪最稱精富茲從之惟金石儒林流寓三類平潭所無故闕又所傳忠義皆土著特移文苑傳前以彰大節

一各篇通例

總局論之至詳但平潭情形每與各處不同其間稍有出入必叙明於前或附註於後如循吏傳改稱名宦之類不敢苟同勉盡善一縣志與國史異國史嚴縣志寬平潭設縣最遲此次又屬規修故記載尤寬冗濫之譏恐所難免

一志貴徵實方足傳信各篇或引典冊或據採訪逐一標注使人查考

一各篇有兩見者或從其所重則語加詳或雖非所重而例不宜遺則語稍畧俱注明云詳見某處互見某處從府志例也

一志不及生存當代碩德名賢可留俟後人論定惟官斯土既去遺

平潭縣志 凡例

愛在人者不論存歿悉傳之又貞女節婦年合旌表者亦傳之蓋其人已去矣其年台例矣尚何晚節不終之足慮乎

一閩中俗撰之字層見叠出平潭尤甚如灘作礮瀝作礮網作緼之類皆為辨正以昌字學

一府志依續通鑑例每條輒附按語非尚博也蓋事有所疑必辨之而後審或義有所指必論之而後明茲編亦沿其例偶附數言責諸當世管窺蠹測閱者察之

一志書最重采訪平潭內分十二區外附十島聘員三十有一蒐羅摛據已閱兩苒並由縣署通告各島各鄉凡有故典舊聞芳踪名著俱可開具事畧連同書證隨時送局以備編訂然求之難殷而

應者甚鮮後之君子倘能匡正其失增其未備所欣望焉

平潭縣志

凡例

三

平潭縣志目錄

卷一

沿革表 圖附

卷二

緯候志

卷三

大事志 災祥附

卷四

山川志 石滬紫菜灘附

卷五

平潭縣志 目錄

水利志

卷六

城市志

卷七

建築志

卷八

名勝志

卷九

戶口志

卷十

賦稅志

卷十一

物產志

卷十二

度支志

卷十三

職官志

卷十四

學校志

卷十五

平潭縣志 目錄

選舉志 廳封壽官五代同堂附

卷十六

武備志

卷十七

實業志

卷十八

交通志

卷十九

刑法志

卷二十

外交志

卷二十一

禮俗志

卷二十二

惠政志

卷二十三

祠祀志

卷二十四

藝文志

卷二十五

平潭縣志

目錄

三

列傳

卷二十六

忠義傳

卷二十七

文苑傳

卷二十八

獨行傳

高士附

卷二十九

孝友傳

鄉行附

卷三十

方技傳

卷三十一

名宦傳

卷三十二

列女傳

卷三十三

方外傳

卷三十四

雜錄

平潭縣志

目錄

四





docsriver 文川网  
入驻商家 古籍书城

在文川网搜索古籍书城 获取更多电子书

圖說

七閩見於書自周禮職方氏始平潭見於書自唐爲牧馬地始福清縣志圖考以海壇隸福清始於元成宗貞元初非也查宋慶曆中已編海壇里屬福清縣太平鄉而盧皓林甲隱居福唐小練山又見十國春秋是平潭之隸福清遠在五代前明甚閩之有圖亦始見周禮職方氏所掌與漢淮南王所察者今雖莫得而考然測繪之學經緯之辨斷不能謂今人不古若也平潭全圖載福清縣志並見福州府志海防篇皆僅得其大畧茲經實測分繪二圖如右山脈海濱市井農田道路距離島嶼方位始釐然其可數矣若某地某景其圖無所關依府志例略之

緯候志

古區星野今辨經緯疎密雖異而致謹璣衡之察未嘗不同茲篇於經緯度寒暑氣候及各節氣日出入時刻述之甚詳重時政也附分野占驗存古說也志緯候

經緯度

教育部中央觀象臺頒發曆書論地面經緯 人居地面海陸運行不可無起算之點俾識四方而清程距地球旋轉所據之軸其一端約指勾陳座第一星謂之北極他端則謂之南極乃從地腰作一圓名為赤道分球體為二以北極為頂者曰北半球以南極為頂者曰南半球更自赤道至兩極各分為九十度名曰緯度故既

平潭縣志 卷一 緯候志

知一地緯度之數則南北之距以定 與南北軸直交之向為東西向惟地球南北有定所而東西無定向凡所謂東西者皆相對而言爰將赤道分作兩半周併各分為百八十度名曰經度以對日出之方為東經對日入之方為西經故既知一地經度之數則東西之距又定惟緯度自赤道起算其數有定經度無天然起算之點故其數無定往者各國皆就京城所在之地為經度起算之端如中國以北京之子午線為經度之起點英以格林維基法以巴黎德以伯林因是各國所製地圖經緯參差國際之間殊形不便十九世紀以來漸以英國格林維基之子午線為經度之起點降至今日凡海圖之製作通書之編輯以及標準時之分區莫不

以格林維基之子午線為權輿蓋自格林維基起算之東西經度

實為世界公共之經度矣 又論東西里差 地球向東自轉而分晝夜故太陽視行乃由東而西一日一周人居地面在東者見日在前故時刻較早在西者見日在後故時刻較遲此為地方時乃各地方就太陽之位而定者也全球除同經度之地點外餘無相同者斯里差生矣 太陽行天一周為度三百六十曆時二十四有四即每一時當十五度每時之一分當度之十五分一秒當十五秒換言之以十五除經度即得時數例如有經度一百一十六度二十八分十三秒化為時數則得七時四十五分五十三秒弱兩地不同經者其相距之經度化為時數名曰里差如北京居

平潭縣志 卷一 緯候志

格林維基東經一百一十六度二十八分十三秒上海居格林維基東經一百二十一度十一分十二秒相減得四度四十二分五十九秒化為時得十八分五十二秒此北京上海間之里差也是故由某地之某時求他地之相應時祇須取其里差之數在東者加在西者減例如北京之五時三十二分四十五秒即為上海之五時五十一分三十七秒而上海之五時三十二分四十五秒則為北京之五時十三分五十三秒 又地方相應時分表 京兆北緯三十九度五十四分福建省北緯二十六度二分京兆十二時零分福建省十二時十二分 以北京平午為準

福州府志論北極出度 西法測得北極出地度分福建省二十六

度福州府二十五度 按極度與晷影常相因宣城梅文鼎云知北極出地之高即可知各節氣午正之影得各節氣午正之影亦可知北極之高今西法有地半經差之加有清蒙差之減地半經差至天頂而無清蒙差至北極四十五度而無也今北極出地至高者為直隸四十度至低者為雲南二十二度福州漸近於低而未低之甚也 又論東西偏度 西洋人湯若望曰欲定東西偏度必須兩地同測一月食較其時刻若早六十分時之二則為偏西一度遲六十分時之二則為偏東一度福建福州府偏東一度按東西偏度以京師子午線為中而較各地所偏之度凡節氣之早晚日食之先後皆視此福州與南京江甯府同偏東一度無

零分如此

清會典 福建北極偏東二度五十九分偏東一度節氣遲時之四

分每時百二十分時之四  
分即六十分時之二也

長沙丁取忠輿地經緯度里表 平潭縣北極出地二十五度三十

分偏東三度三十分距京師六百  
三十一里

閩侯林傳甲大中華福建省地理志論福建在地球經緯度之位置

中華民國在地球之北溫帶福建省已近於熱帶是以兼產熱帶植物省城在赤道北二十六度三分北極出度亦高二十六度三分距熱帶不及三度若南境詔安直為溫帶熱帶之交其他各縣固緯度不同溫度各異物候亦不同也 大中華之中央政府

因明清兩代之舊設於京兆中央其教育部中央觀象臺為全國經度中綫在其東者為偏東在其西者為偏西福建各縣治近於中綫者上杭稍偏東長汀稍偏西其他距東線愈遠偏度愈大東西相距八百六十里

平潭縣治北緯二十五度二十三分東經三度二十七分

按部頒經緯度平潭縣治屬經一百十九度四十六分緯二十五度三十分此經度係以格林維基子午線為起點於國際之間雖形便利然縣志乃國史之嚆矢愛國者不應舍中央觀象臺而從格林維基也

寒暑氣候

大中華福建省地理志論福建氣候 福建氣候和煦比長江流域更煖冬不見雪夏患暑濕雖居溫帶而含熱帶性質瀕海之地賴海風調劑尚覺溫和冬季無降至華氏三十二度以下夏季無升至百度以上者故農家或呼半熱帶

福州大寒之氣候偶降至結冰點以下其氣象如左

霜 每年現於屋上者二三次

霰 省城不見積雪數年始見雪花一次

冰 室外盆水凝結薄層向無堅冰

霧 為航海者之大忌時放霧號

按平潭瀕海近三十年極寒至華氏三十四度而止極熱至九

十二度而止

附 風向雨量潮候

大中華福建省地理志論福建風向 福建風向關係航業至為重要當輪船未通以前順風則一帆千里逆風則守候不行閩人長於御風之術雖風勢不正能折旋飛行馬江外小舟一人操三四帆借斜風之力以駕舟前進雖善算者計其重心合力之角度不如舟人運用靈妙得於心而應於手不可及也故望氣經驗西人亦服吾人之聰明焉  
風期 如俗傳觀音暴雷祖暴之類至期風信不爽凡風暴多借鬼神為名

風信 風未起以前舟人即知有風若加學力何可量也其天然之感覺力如左

不用寒暑表能別氣候

不用指南針能別方向

不用時辰表能知早晚

福建夏日之風一日而數易其方向大概如左

日中 南風或東南風

夜間 北風

福建冬日之風如左

北風 多而不寒由塞北過江南已經多數熱力融治也

南風 冬日雖小每月必數次

福州恒為颶風之中心其時期如左

颶風初起期 四月以前極少約在五月七日九日國恥紀念之際

颶風原動力 出於日本海而作成太平洋之惡潮

颶風之大勢 南括琉球臺灣澎湖北包朝鮮內侵渤海膠灣

尤迫我閩海

颶風之延長 七八九月分二次來襲

颶風之損害 福州興化廈門一帶風災告警人民生命財產

損失甚多

颶風之終止 約在十月十日國慶紀念以後

福州府志述風信 (航海風信引) 清明以後南風為常霜降以

後北風為正南風壯而順北風烈而嚴南風時發時息恐風不

勝帆故舟以小為穩北風一發難止恐帆不勝風故舟以大為

穩海中之颶四時皆發夏秋為多所視氣如虹如霧有風無雨

名為颶夏至後有北風必有颶當作信風起而雨隨之越三四

日颶即候來少則一晝夜多則三日或自南轉北或自北轉南

必候西風其颶始定然後行舟土人謂正二三四月發者為颶

五六七八月發者為颶颶甚於颶颶急於颶舟在洋中遇颶可

支颶則難受蓋颶風散而颶風聚也 颶風起自東北者必自

北而西自西北者必自北而東而俱至南乃息謂之迴南凡二晝夜乃息若不落西不迴南則逾月復作必對時日作次日止夜作次夜止蓋其暴者不久或數時或一日夜其柔者久或二三日或有一歲再三作者有數歲不作者凡歲有打鬼節則有一颶有二打鬼節則有二颶鬼鬼宿也打節者或立春立夏等節值鬼宿也應初起時有雷則不成應作數日有雷則止一稗海紀遊一颶無定期必挾大雨瀕洞拔木發屋操舟最忌惟得雷聲即止占颶風者每視風向反常為戒如夏月應南而反北秋冬與春應北而反南三月二十三日媽祖誕後便應南風白露後至三月皆應北風惟七月北風多旋必成颶其至也漸人得而避之或曰風具四方為颶不主颶旋必成颶其至也漸人得而避之或曰風具四方為颶不

平潭縣志 卷一 續統志 七

知颶雖暴無四方齊至如北風颶必轉而東而南而西或一二日或五七日四面遞至非並至也颶驟而輕颶緩而久且烈春風畏始冬風慮終又非常之風常在七月臘月自二十四日至二十九日有南風則古來年有颶如二十四日則應四月二十五日則應五月按日占月至二十九日為應九月也（連江縣志）夏秋之交大風名颶有此風必有大雨其先有斷虹之狀見者名曰颶母又名破帆颶俗說為颶呼為報舟行以四八十月為穩蓋天氣晴和也六七月多颶諺云六月防初七月防半六月有雷則無颶諺云六月一雷止三颶七月一雷九颶來九月天色晦冥狂颶發俗呼為九降或為九橫上颶颶俱挾雨惟九降恆風而無雨颶之以時異者謂之

平潭縣志 卷一 續統志 八

報每月值初三十八日凡風隨潮發此兩日潮為最大故潮滿恒有風來每旬值七八九日為報期諺云七無報八悽惶八無報九夜不得到天光又云無事七八九莫向江中走皆言其必有也按月別有報或先期即至或逾時始發不出七日之內大約按其信期繫以神明故事便於省記 正月初四日為接神報 初九日玉皇報是日有報則四季颶期皆準否則驚風驟作多不及防諺云玉皇無報漁家莫做 十五日上元報 二十九日竊九報是日閩俗合漿粟作糜為竊九節 二月初二日白鬚報 三月初三日元帝報 十五日真人報風多 二十三日媽祖報風多 四月初八日佛誕報 五月初五日屈原報 十三日關帝報 二十日分龍報 六月十二日彭祖報 十八日彭婆報 二十九日文丞相報 七月十五日中元報

八月初一日龍君報 九月初九日重陽報 十六日張良報 十九日觀音報 十月初十日水仙報 二十六日翁爹報 十一月二十九日普庵報 十二月二十四日送神報 按南越志颶風者常以五六月發永嘉人謂之風癡癡字不見字書當是癡字之音轉平潭夏日最忌北風風前無雷往往成颶五月發則傷早稻六七月發則損雜糧非過白露不敢保其不發也 大中華福建省地理志論福建雨量 福建距海近受日光之熱力亦強是以雨量比江南尤多惜乎山峻而流急不能如湖澤涵濡支渠交灌此則天時不如地利也





立春	二月四日 下午四時十八分	日出六時四十三分 日入五時四十五分	芒種	六月六日 下午二時三十九分	日出五時七十分 日入六時四十九分
雨水	二月十九日 下午四時十八分	日出六時三十三分 日入五時五十五分	夏至	六月二十二日 上午七時二十四分	日出五時八分 日入六時五十五分
驚蟄	三月六日 上午十時四十三分	日出六時十九分 日入六時四十分	小滿	五月二十一日 下午十一時十五分	日出五時十一分 日入六時四十一分
春分	三月二十一日 上午十一時四十九分	日出六時四十分 日入六時十一分	立夏	五月六日 上午十時二分	日出五時二十分 日入六時三十三分
清明	四月五日 下午四時七分	日出五時四十七分 日入六時十九分	穀雨	四月二十日 下午十一時三十分	日出五時三十三分 日入五時二十五分
立夏	五月六日 上午十時二分	日出五時二十分 日入六時三十三分	小暑	七月二十三日 上午四時三分	日出六時九分 日入五時九分
芒種	六月六日 下午二時三十九分	日出五時七十分 日入六時四十九分	立秋	八月八日 上午十時四十二分	日出五時四十九分 日入六時四十三分
夏至	六月二十二日 上午七時二十四分	日出五時八分 日入六時五十五分	處暑	八月二十四日 上午一時十三分	日出五時三十七分 日入六時二十八分
小滿	五月二十一日 下午十一時十五分	日出五時十一分 日入六時四十一分	白露	九月八日 下午一時八分	日出五時四十三分 日入六時十三分
立夏	五月六日 上午十時二分	日出五時二十分 日入六時三十三分	秋分	九月二十三日 下午十時十八分	日出五時四十九分 日入五時五十七分
穀雨	四月二十日 下午十一時三十分	日出五時三十三分 日入五時二十五分	寒露	十月九日 上午四時九分	日出五時五十六分 日入五時三十九分
小暑	七月二十三日 上午四時三分	日出六時九分 日入五時九分	霜降	十月二十四日 上午七時一分	日出六時三分 日入五時二十五分
立秋	八月八日 上午十時四十二分	日出五時四十九分 日入六時四十三分	立冬	十一月八日 上午六時四十四分	日出六時十三分 日入五時十五分
處暑	八月二十四日 上午一時十三分	日出五時三十七分 日入六時二十八分	小雪	十一月二十三日 上午四時三分	日出六時二十四分 日入五時九分
白露	九月八日 下午一時八分	日出五時四十三分 日入六時十三分	大雪	十二月七日 下午十一時十分	日出六時三十四分 日入五時九分
秋分	九月二十三日 下午十時十八分	日出五時四十九分 日入五時五十七分	冬至	十二月二十二日 下午五時六分	日出六時四十三分 日入五時十三分
寒露	十月九日 上午四時九分	日出五時五十六分 日入五時三十九分			
霜降	十月二十四日 上午七時一分	日出六時三分 日入五時二十五分			
立冬	十一月八日 上午六時四十四分	日出六時十三分 日入五時十五分			
小雪	十一月二十三日 上午四時三分	日出六時二十四分 日入五時九分			

平潭縣志 卷一 雜候志

按右表係就閩侯縣城經緯度推算再以曆書求相應時之法  
求之閩侯縣城之上午四時三十二分即平潭街之上午四時  
三十三分五十六秒其法先查大中華福建省地理志閩侯居  
東經二度五十八分平潭居東經三度二十七分相減得二十  
九分化時得一分五十六秒為閩侯平潭間之里差而平潭又  
在閩侯之東故加之即得小寒之相應時也餘可類推

星野 錄施天章氏舊稿

辨星土者昉自周官保章氏厥後史漢書志並云二十八舍分主

平潭縣志 卷一 雜候志

十二州又謂中國於四海以內東南為陽陽則歲星熒惑填星占  
街之南西北為陰陰則太白辰星占在街北而後世測驗獨以二  
十八舍為準蓋督察而計之天地之大六合之遙杳冥荒忽孰從  
而測其度亦孰從而測其度之所屬古之君子將欲窺天而不可  
得因稽三百六旬日月之行經宿相值或廣或縮以定其度而即  
以一度為得地千四百餘里其旨要先哲未能詳也閩古會稽邊  
微甌粵之域去揚州較遠放諸往紀班孟堅言斗主江湖復言斗  
吳也又為粵婺女粵也又為齊晉書南斗十二度至須女之七屬  
揚州漢晉之書固已齟齬不同已前志據陳卓所列以會稽入牛  
一度用蔽全閩然明代天文分野閩之列郡並隸牛斗郡邑記載

天者自得之

福建分星之次 以十二次而言

周禮保章氏注星紀吳越也

爾雅星紀斗牽牛那疏星紀吳越

史記天官書牽牛婺女揚州漢書天文志同

漢書地理志吳地斗分野粵地牽牛婺女分野 按地理志以會稽屬

於會稽後為楚所滅十世至閻君  
橋復立為越王是越仍兼會稽

後漢書郡國志自斗十一度至婺女七度曰星紀之次於辰在丑於

律為黃鐘斗建在子吳越之分野晉書天文志附  
書地理志同

春秋緯元命苞牽牛流為揚州分為越國

魏志陳卓云會稽入牛一度

吳志虞翻云會稽上應牽牛之宿下當少陽之位

唐書天文志南斗牽牛星紀也初南斗九度中南斗二十四度終女

四度南斗在雲漢下流當淮海間為吳分牽牛去南河浸遠自豫

章迄會稽南嶺嶺微為越分

唐僧一行云自岷嶓至東甌閩中是謂南紀為越門

平潭縣志 卷一 雜記志

十三

宋史天文志須女占越分

元史天文志斗四度三十六分六十六秒入吳越分按周天易覽斗  
二十四度至二

十一度  
福建

明史天文志福建布政司所屬皆牛女分經緯圖本牛七度女十一  
度福建福州泉州興化延

平潭汀州漳州  
牛分野建寧女分野

福建星紀距度

漢三統歷自斗十二度至婺女七度為星紀

費直說周易自斗十度至女五度為星紀

蔡邕月令章句自斗六度至女二度為星紀

皇甫謐帝王世紀自斗十一度至婺女七度為星紀

北魏李業興正光歷自斗一度至牛五度為星紀

唐一行大衍歷自斗九度餘千四十二秒十三太至女四度為星紀

宋元祐觀天歷自斗九度至女六度為星紀

南宋紹興統天歷自斗四度三十五分九十二秒至女二度九十五

分七秒為星紀

元西征庚午元歷自斗四度三十六分六十六秒至女二度九十一

分九十一秒為星紀

許衡郭守敬授時歷自斗二度七十六分八十五秒至女二度六分

三十八秒為星紀

明清類天文分野自斗三度至女一度為星紀

平潭縣志 卷一 雜記志

十四

清西法赤道自箕三度七分至斗二十四度二十分黃道自箕四度

十一分至牛一度五分為星紀

按以上諸書所載各有異同考以占驗之法左傳昭公三十二年

吳伐越晉史墨曰越得歲而吳伐之必受其殃卜者曰歲在星紀

時閩地屬越則言星紀者可信後漢書永康六年彗星出於斗牽

牛牽牛吳越故海賊浮於會稽時閩地屬會稽則言斗牽牛者可

信然猶統越與會稽而言也史記天官書元光元狩越之亡焚感

守斗是時閩越徙民江淮是言斗者有徵矣唐景福元年有星孛

於斗牛占者曰越有自立者其時王潮起於閩中是言斗牛者有

徵矣二者皆閩事而一屬斗一兼斗牛後之言星野者將何所折

表耶大抵歷代占測之術有里差歲差宮度之不同清用西法定周天為三百六十度與古之所云三百六十五度者其法已一變矣且古雖用歲差法而宮與星仍不易西法則以中氣過宮恆星有歲進之差故宮無定宿而宿以遞居各宮其理尤為縝密前志從陳卓之說又據鄭宗彊星經每星一度當地一千四百六里有奇皇甫謐帝王世紀每星一度地二千九百三十二里與此不同以為閩距會稽不上數百里隸牛一度無疑今以西法考之赤道起算終斗則閩分野已越元枵黃道起算終牛則閩分野當仍屬星紀江南通志云今江南之地宿屬斗未改為牛初然則閩之隸牽牛之度者其終古不變也歟

附雜占

平潭縣志 卷一 續候志

十五

史記天官書吳楚之疆候在熒惑占在烏衡丙丁江淮海岱

漢書天文志吳越亥

春秋緯文耀鉤徐揚之州屬權星按福州屬北斗第四星

晉書天文志熒惑主楚吳越以南

唐書天文志杓以治外故鶉尾為南方負海之國

宋史天文志天市垣二十二星其東垣南第六星曰吳越亦為星

紀之次星經玉衡北斗第六星主揚州以五巳日候之丁巳為吳

郡會稽

大中華福建省地理志論福建與列星關係 福建比中原所見南方恆星較多因近於赤道則附近南極稍遠之星亦可見於地平

線上然閩人除為華僑赴南洋者殆終身仍不見南極也老人星福建常見俗以為南極壽星大誤舊志言分野為牛女亦不經學生求學必先識二十八宿中星今列如左

月數	昏中	旦中
一月	角	婁胃
二月	氏	畢
三月	心	參
四月	斗	鬼
五月	女	星張
六月	危	軫

平潭縣志 卷一 續候志

十六

七月	奎	亢
八月	昂	房
九月	觜	尾箕
十月	井	斗
十一月	柳	虛
十二月	翼	室壁

凡恆星位次有定且本體發光因距地遠而見為小其實成大於日球數倍也 周天三百六十度古人以為三百六十五度又四分度之一謂之日度後人測算日精見日之實行迥異平行乃改日度為整度恆星即經星閩人舊時以步天歌為兒童讀本者多

能識恆星必先識恆星而後可辨天地運行之眞象次及金木水火土五星之躔次然後以遠鏡測視土星光環木星月食雖不識字之人亦可見之次則述天王海王所在經緯以遠鏡求之此則非目力所能見也

大事志

邑乘之紀歷代因革治亂興廢諸大綱也自元張用鼎氏金陵志始清同治間江南修上元江甯兩縣志沿其例而異其名茲篇名曰大事志者從上江兩志也災祥附焉志大事

唐虞夏商

平潭屬揚州之域據禹貢熊氏禾說文獻通考輿地總叙

按禹貢淮海惟揚州厥貢島夷卉服曰海曰島包括平潭在內明甚

周

屬職方氏所掌七閩地春秋以後為越地越王勾踐六傳至無疆滅於楚越以此散諸族子爭立或為王或為君濱於江南海上服朝於楚又七世至閩越王無諸姓騶氏據周禮史記

平潭縣志

卷三 大事志

秦

廢無諸為君長以其地為閩中郡據史記

漢

高帝五年以無諸從諸侯滅秦又率越人佐漢擊楚復立為閩

越王王閩中故地都治史記作都東治元鼎五年閩越亂元封初平之徙

其民於江淮間盡虛其地後遁逃山谷者頗出立為治縣屬會稽

郡南部都尉據漢書通典

後漢

改為侯官都尉屬會稽郡後分治地為會稽東南二部都尉此為南部都尉建安初孫策攻會稽太守王朗朗戰敗浮海至東治侯官長商升為朗起兵策尋遣兵討平之是時已有侯官縣矣

平潭屬之據文獻通考方輿紀要

吳 孫休永安三年黜其兄會稽王亮為侯官侯是年以會稽南部

為建安郡侯官縣屬焉據三國志吳書

晉 武帝太康二年分建安立晉安郡領原豐新羅宛平同安侯官

羅江晉安溫麻八縣屬揚州刺史元康元年隸江州平潭屬原豐

縣據晉書參

宋 明帝泰始四年以晉安郡為晉平郡據宋書明帝紀

齊 仍曰晉安郡亦隸江州據齊書

梁 天監中析晉安地置南安郡普通六年以晉安建安南安三郡

屬東揚州據梁書

陳 永定初增置閩州領晉安三郡天嘉六年州罷晉安仍屬東揚

州光大二年以郡為豐州據陳書

平潭縣志

卷三 大事志

隋 開皇九年平陳改為泉州大業初復曰閩州三年又改建安郡

領閩建安南安龍溪四縣平潭屬閩縣據隋書福建縣志

唐 唐武德初改建州六年復為泉州貞觀初隸嶺南道景雲二年

改為閩州都督府開元十三年又改為福州都督府二十一年置

福建經畧使治福州天寶元年隸江南東道又改為長樂郡乾元

元年復為福州領閩侯官長樂福唐連江長溪古田梅溪永泰尤

溪十縣平潭屬福唐縣據唐書參福州府志福清縣志

平潭舊稱海壇山產馬毛鬣有異文相傳為龍種故在唐為牧馬

地據天下郡國利病書福州府志

景福元年范曄據福州驕侈失衆心泉州刺史王潮以從弟彥復

為都統弟審知為都監將兵改福州民自請輸米餉軍平湖洞  
及濱海蠻夷皆以兵船助之據資治通鑑

按胡注平湖洞在莆田縣界外是否即今之平潭雖未可知然  
以地勢考之潭民與於王氏此役可斷言也

高士盧皓林甲自光州從王氏入閩居福唐小練山後世以文顯

號小瀛洲據福州府志

乾甯四年升福建團練觀察使為威武軍節度使據唐書方鎮表

唐末地為閩王氏所有

梁 貞明六年升為大都督府

唐 長興四年閩王王延鈞升為長樂府領閩侯官長樂福清連江

平潭縣志 卷三 大事志

長溪古田尤溪永泰閩清羅源甯德德化順昌十四縣平潭屬福

清縣

晉 開運元年王延政號為東都領州七縣十三是歲析出順昌三

年閩滅屬南唐

漢 乾祐元年地為吳越所有復為福州威武軍領縣十一是歲以尤溪隸

劍州三年以德化隸泉州

周 廣順元年改彰武軍以上據五代史

宋 太平興國三年錢氏納土仍曰福州威武軍屬兩浙西南路雍

熙二年屬福建路領閩侯官長樂福清連江古田

唐 永泰唐縣崇寧改為永興長溪唐縣永正唐縣乾興元年改為羅源閩清唐縣梅溪改甯德

懷安太平興國五年析閩縣置懷安十二縣平潭仍隸福清紫菜並充貢物據文獻通考福州府志

宋初因海壇山故唐牧馬地特置牧監尋罷聽漁民雜耕增兵守  
之據天下郡國利病書

慶歷中編為海壇里舊有龍興崇賢里後入永東永西海壇三里

屬福清縣太平鄉據福州府志

嘉祐四年知福州蔡襄奏福興漳泉邊海其巡檢下兵士多不習

舟船緩急不足使令今除已行逐處修葺刀魚船各取現管數

目編籍外其兵級常切教習舟船語會水勢以備差使又奏福

州海口巡檢一員移於鍾門掌海上封楮船船令出海巡警據三

平潭縣志 卷三 大事志 四

志山

紹興間蘇澳與松林南匿號稱三寨並隸福清據宋林栗編清國經總敘

隆興間平潭林穎為博士弟子員憤湯思退唱和議率同官伏闕

攻之淳熙初第進士廷策以復境土斥權倖為對據福清縣志互見列傳

宋季楊妃偕弟亮節負益王廣王航海駐樸秀區北海中礁上後

人思之故名王母礁有二石如帆船人呼為雙帆石又呼南王

母礁北王母礁據福州府志

按宋史帝昞德祐二年進封吉王昞為益王判福州信王昀為

廣王判泉州以駙馬都尉楊鎮及楊淑妃弟亮節俞修容弟如

珪提舉二王府事楊鎮等遂奉二王走婺州楊淑妃秀王與樺

docsriver 文川网  
入驻商家 古籍书城

在文川网搜索古籍书城 获取更多电子书

從行元將巴延遣范文虎追之楊鎮還臨安就縛以綏追兵楊亮節等更負二王及楊淑妃走溫州次年夏五月陳宜中等奉益王是立於福州改元景炎尊楊氏爲皇太妃進封廣王爲衛王升福州爲福安府十一月元將阿樓罕入處州與樺逆戰死之兵至建甯府陳宜中張世傑備海舟奉其主昱及衛王楊太妃遁入海駐蹕平潭礁上當在此時府志據長樂縣志列入長樂古蹟內辨之偶未審耳

元至正十五年福州路領縣九閩侯官懷安古田閩清長樂連江羅源永福州二福清福甯領二縣甯德福安屬福建等處行中書省後屬江浙行省平潭隸福州據元史地理志

平潭縣志 卷三 大事志 五

平潭民戶在元時嘗滿四萬多以漁爲業據方輿紀要

明 洪武元年改福清福甯二州爲縣平潭仍隸福清田地共七百八十四頃糧米五千餘石鹽額正耗五千餘觔夏稅秋租爲錢三十餘萬文魚課二千餘擔據明史林揚奏鑄盧稅疏

洪武初遣江夏侯周德興視海防倭守備李彝要金於壇衆弗與彝遂奏徙其民於內地惟以小埕水砦官汛守遂爲盜種之區據方輿紀要天下郡國利病書

按明史洪武十七年帝以倭患命湯和巡視浙江福建沿海諸城江夏侯之遺疑同在此年然各書皆載洪武初未敢率改也平潭布衣林揚以民戶雖遷稅額猶存追徵期至有司按籍科派

皂胥憑文追取圭撮難移秋毫莫貸生者代死者之納存者代亡者之償叩關爲移民奏請蠲免疏入待勘守臣遷延未報纂詔獄者一十八年始釋放後宣德改元覆勘奉旨虛稅准蠲因及閩浙廣三省有民移產虛者稅額一如揚所奏免據福清縣志疏載

洪武二十年爲閩海防倭至計因遣信國公湯和江夏侯周德興分行海上置水砦三日烽火日南日曰活嶼置遊營三日海壇曰活銅曰元鍾歲撥衛軍操駕巡哨選各衛指揮才能出衆者充把總領之宏治中海宇晏清倭不爲患民狂承平奏遊俱廢嘉靖四十二年倭寇交訐督撫譚綸巡按李邦珍總兵戚繼光

平潭縣志 卷三 大事志 六

奏復峇遊砦以欽依把總領之遊以名色把總領之據天下郡國利病書正統成化間分福清南上南下北一北二爲六隅西隅海上里四都南上隅海上里七都北一隅海上里五都北二隅海上里六都皆宋太平鄉海壇里至是皆改今名又析海壇靈德化北平南平北永寶六里爲十六都據福州府志

嘉靖壬子三十一年倭寇稱亂瀕海悉罹其害乙卯三十四年侵入海口焚劫人民丙辰三十五年正月爲官軍敗去戊午三十七年夏又攻福清縣城北城失守衆潰而陷遂大殺戮閭井蕩然己未三十八年三月省城外賊逼市鎮鄉村二十六日餘倭由松下直抵東門上洋地方二十八日又二百餘由長樂來抵北門四月十七日又四百



餘由松下抵東門皆被浦城銃手擊退六月十三日洪唐坑前賊方離去被大風飄溺兵船殺獲殘賊浮泊海壇山六七月間在於白鶴懸江東漸後瀛屯住劫殺辛酉<sup>四十</sup>年賊又屯住化北新堂牛田為持久計九月二十八九日賊參將繼光自浙江統義烏兵萬餘甫至五指嶺下遇賊先鋒殺而逐之直抵牛田大破賊營賊公旋回浙江募兵時則劉都督顯至兵少莫能收賊賊陷興化住三個月後出攻平海衛劉與之相近立寨山頂拒守一冬賊陸都督撫譚公綸適領兵至與劉夾攻勦滅幾盡甲子<sup>四十</sup>年賊陸續來者或屯永寶或蒜嶺或牛田或新局俱被殺盡五月又二百餘倭上海壇賊公冒暑險往掃蕩無遺民之

平潭縣志 卷二 大事志 七

耕牛蓄聚秋毫無犯人心大悅據明陳良倭難紀畧互見藝文志嘉靖三十八年己未倭自洪塘浮馬江出洋參將尹鳳擊敗於梅花外洋二十六日餘賊由松下抵福清縣東門外上洋揮扇橫行城中發銃斃二賊始驚潰二十八日又二百餘賊由長樂抵北門被銃傷仆潰四月十七日賊四百餘由松下抵東門被銃擊走三次俱南通焚殺擄掠極其慘酷二十六日又千餘賊由興化來過天寶陂屯宿溪前馬山等處次早往石湖五月五日四千餘賊從牛宅抵上洋由玉屏山過洋浦屯宿宏路兩月間凡七被賊六七月賊被風泊海壇分屯白鶴懸江東漸後營劫殺無虛日八月十八日又四百餘賊從長樂來宿溪頭由前潘

過江犯上逕踞江陰至是福邑四鄉悉被焚掠義士夏叔慎死之十一月賊始南去巡撫樊獻科勅王詢黎鵬舉失律奪俸有差是時洪澤珍殿山老連年引倭入寇分紮四掠官兵會擊由祥芝石湖南潯出海者參將王麟敗之於大炸島自峰頭澳出海者都指揮唐修澄敗之於野馬外自閩安鎮出海者參將尹風備倭張權敗之於梅花外洋澤珍遁屯海壇山山老就擒福州府志引海國編參通志縣志四十二年癸亥罷巡撫游震得以倭陷興化也乃以譚綸為巡撫賊繼光為總兵三月倭寇長樂二十都二十八日寇十九都擄四十餘人四月賊繼光將兵至自浙破倭於連江馬湫之百丈

平潭縣志 卷二 大事志 八

歲於是巡撫譚綸自將中軍總兵官劉顯俞大猷將左右軍合攻賊於平海賊聞繼光至欲逃為大猷所扼不得出繼光以中軍薄戰左右軍繼之因風縱火賊皆糜巢中無脫者復興化城遂分別諸將趨福州合擊倭之支黨於長樂破之斬首二百餘級倭屯海上者盡遁去殘賊五百餘人由北嶺窺會城千總胡世斌驅之多赴海死四十三年甲子賊續至犯福清或屯永寶或蒜嶺或牛田或新局繼光盡擒斬之五月二百餘倭屯海壇咸冒暑往捕艾無遺據福州府志引明史參閱書查嚴草通志又引福清志按府志倭寇福州始末甚詳茲特取其有關於平潭者載之參諸陳氏倭難紀畧年月均合誠足補國史之闕也